



Број/Број: 01/6-50-1-6-22/09

Сарајево/Сарајево, 31.5.2010.

## ZAPISNIK

### 22. sjednice Komisije za ostvarivanje ravnopravnosti spolova, održane 31. 5. 2010.

Sjednici Komisije za ostvarivanje ravnopravnosti spolova, održanoj 31.5.2010., s početkom u 10 sati, prisustvovali su članovi Komisije: Vinko Zorić, Vesna Šain, Mirjana Malić, Remzija Kadrić, Rifat Dolić i Nermina Zaimović-Uzunović.

Sjednici je prisustvovala i Samra Filipović-Hadžiabdić, direktorica Agencije za ravnopravnost spolova BiH.

Sjednici je prisustvovao i sekretar Komisije Davorin Semenik.

Za sjednicu je usvojen sljedeći

## DNEVNI RED

1. Usvajanje Zapisnika 21. sjednice Komisije;
2. Razmatranje Izvještaja o primjeni *Strategije prevencije i borbe protiv nasilja u porodici za Bosnu i Hercegovinu za period od 2009. do 2011. godine u 2009. godini*, sa zajedničkim zaključcima predstavnika pet parlamentarnih tijela od 9.aprila 2009.;
3. Prezentacija aktivnosti Vijeća Evrope na izradi Konvencije o sprečavanju i borbi protiv nasilja nad ženama i nasilja u porodici;
4. Utvrđivanje Prijedloga zaključaka za Predstavnički dom u vezi sa Izvještajem Vijeća ministara BiH o statusu spolova u Bosni i Hercegovini za 2008. godinu;
5. Izvještaj o posjeti Narodnoj skupštini Republike Srbije;
6. Ostala pitanja.

### Ad 1. Usvajanje Zapisnika 21. sjednice Komisije

Zapisnik 21. sjednice Komisije usvojen je jednoglasno, bez primjedbi.

### Ad 2. Razmatranje Izvještaja o primjeni *Strategije prevencije i borbe protiv nasilja u porodici za Bosnu i Hercegovinu za period od 2009. do 2011. godine u 2009. godini*, sa zajedničkim zaključcima predstavnika pet parlamentarnih tijela od 9. aprila 2009.

Najznačajnije detalje iz Izvještaja, kao i komentare o toku provođenja ovog strateškog dokumenta u prvoj godini njegove primjene iznijela je Samra Filipović-Hadžiabdić, direktorica Agencije za ravnopravnost spolova BiH.

Nakon rasprave u Komisiji ocijenjeno je da je provođenje Strategije u 2009. protekla uspješno, te je Komisija prihvatila Izvještaj i podržala zaključke koji su u vezi sa Strategijom usvojili predstavnici pet parlamentarnih tijela 9.4. 2009.

### **Ad 3. Prezentacija aktivnosti Vijeća Evrope na izradi Konvencije o sprečavanju i borbi protiv nasilja nad ženama i nasilja u porodici**

O toku izrade Konvencije Komisiju je upoznala Samra Filipović – Hadžiabdić, te je navela i koje je aktivnosti preduzela Agencija u vezi s tim, odnosno koje je prijedloge – amandmane na tekst Konvencije predložila.

Članovi Komisije podržali su aktivnosti Agencije na izradi teksta Konvencije i saglasili su se s direktoricom Agencije da gender institucionalni mehanizmi u BiH preduzimaju većinu aktivnosti koje Konvencija nalaže.

Komisija je također usvojila zaključak da Sekretarijat Komisije, zajedno s Agencijom za ravnopravnost spolova BiH, pripremi prijedlog Komisije kojim bi se pokrenula inicijativa za zakonodavno stvaranje uslova koji bi omogućili izmještanje počinioca porodičnog nasilja iz mjesta stanovanja, a ne kao do sada da se žrtva nasilja izmiješta u sigurnu kuću, čime se njen položaj dodatno pogoršava.

### **Ad 4. Utvrđivanje Prijedloga zaključaka za Predstavnički dom u vezi sa Izvještajem Vijeća ministara BiH o statusu spolova u Bosni i Hercegovini za 2008. godinu**

Sekretar Komisije podsjetio je prisutne da je Komisija na svojoj 18. i 19. sjednici razmatrala Izvještaj Vijeća ministara BiH o statusu spolova u Bosni i Hercegovini za 2008. godinu, te je odlučila da Izvještaj uputi na raspravu u Predstavnički dom, pa je u tom smislu predložila da ova aktivnost bude uključena u Orijentacioni plan rada Predstavničkog doma u 2010. godini. Budući da je Plan rada usvojen tek nedavno, stekli su se uslovi da se Predstavničkom domu upute navedeni dokumenti radi rasprave.

Nakon toga predsjedavajući Komisije Vinko Zorić predložio je tekst zaključaka koje bi Predstavnički dom trebalo da usvoji nakon obavljene rasprave o Izvještaju.

Komisija je jednoglasno usvojila sljedeći

#### **PRIJEDLOG ZAKLJUČAKA**

1. Predstavnički dom Parlamentarne skupštine BiH razmatrao je Izvještaj Vijeća ministara BiH o statusu spolova u Bosni i Hercegovini za 2008. godinu.
2. Predstavnički dom prihvata prijedlog Komisije za ostvarivanje ravnopravnosti spolova za usvajanje Preporuka sadržanih u dokumentu Agencije za ravnopravnost spolova BiH "Izvještaj o statusu spolova u BiH za 2008. – temeljni napredak, problemi i preporuke".

3. Predstavnički dom traži od nadležnih institucija da rade na provođenju navedenih preporuka, te da se u sljedećem godišnjem izvještaju konstatira koje su preporuke realizirane.
4. Za realiziranje ovog zaključka odgovorno je Ministarstvo za ljudska prava i izbjeglice BiH, a nadzor nad realizacijom provodit će Parlamentarna skupština BiH putem Komisije za ostvarivanje ravnopravnosti spolova.

#### **Ad 5. Izvještaj o posjeti Narodnoj skupštini Republike Srbije**

Nakon obavljene rasprave o toku i rezultatima posjete Narodnoj skupštini Republike Srbije, Komisija je jednoglasno usvojila predloženi tekst izvještaja.

#### **Ad. 6. Ostala pitanja**

##### **a) Posjeta Bundestagu**

Predsjedavajući Komisije upoznao je članove Komisije o razlozima zbog kojih nije u mogućnosti biti u delegaciji koja će od 8 do 11. 6. 2010. posjetiti Bundestag. Naveo je da je obavio konsultacije s prvom zamjenicom predsjedavajućeg Vesnom Šain i Savom Erićem, pa je predložio da umjesto njega član delegacije bude Savo Erić, a da šef delegacije bude Remzija Kadrić, što je i prihvaćeno.

##### **b) Cetinjski parlamentarni forum**

Komisija je upoznata s pismom Misije OSCE-a u BiH o podršci učešću delegacije PSBiH na Konferenciji parlamentarki koja se održava u okviru programa Cetinjskog parlamentarnog foruma 21. i 22. 6. 2010.

Komisija je prihvatila prijedlog Misije OSCE-a u BiH, pa je odlučila da iz Komisije na Konferenciji učestvuju članice Mirjana Malić i Nermina Zaimović-Uzunović, kao i sekretar Komisije Davorin Semenik.

##### **c) Ministarska konferencija u Bakuu**

Samra Filipović – Hadžiabdić informirala je prisutne o učešću predstavnika Ministarstva za ljudska prava i izbjeglice BiH na 7. ministarskoj konferenciji u Bakuu, pa je zaključeno da se izvještaj o tome pripremi za narednu sjednicu.

Nakon toga predsjedavajući Komisije obavio je konsultacije o terminu naredne sjednice, pa je zaključeno da 23. sjednica bude održana u junu.

Nakon što je dnevni red realiziran, sjednica je zaključena u 11 sati.

SEKRETAR KOMISIJE

Davorin Semenik

PREDSJEDAVALAČI KOMISIJE

Vinko Zorić